

9
SPECIMEN INAUGURALE MEDICUM
DE
ERYSIPELATE
PUSTULOSO,

QVOD
IN INCLYTA
ACADEMIA FRIDERICIANA
INDULGENTISSIMA
AUCTORITATE REGIA
ET
CONSENSU GRATIOSÆ FACULTATIS MEDICÆ
PRO
GRADU DOCTORIS
SUMMISQUE IN ARTE MEDICA HONORIBUS
ET PRIVILEGIIS

LEGITIME IMPETRANDIS
EXHIBUIT

D. XVI. SEPT. ANNO MDCCXL.

AUCTOR
SAMUEL SIMON CHARLEVILLE,
HALLENSIS
GENTE JUDÆUS.



HALÆ MAGDEBURGICÆ,
LITTERIS HENDELIANIS.

RECEIVED BY THE DIRECTOR

AT 12:15 PM
JULY 20, 1900

THE DIRECTOR

U.S. DEPARTMENT OF AGRICULTURE

WASHINGTON, D.C.

TO THE DIRECTOR

FROM THE ASSISTANT SECRETARY

OF AGRICULTURE

AND

THE ASSISTANT SECRETARY

OF AGRICULTURE

WASHINGTON, D.C.

JULY 20, 1900

RECEIVED

BY THE DIRECTOR

U.S. DEPARTMENT OF AGRICULTURE

WASHINGTON, D.C.

JULY 20, 1900

RECEIVED

BY THE DIRECTOR



TRACTATIO INAUGURALIS MEDICA,
DE
ERYSIPELATE PVSTVLOSO.



Uum mihi ab illustri & gratiosissima Facultate Medica demandatum sit edere Specimen inaugurale profectuum, quos per plures annos in medicinæ studiis consecutus sum: coepi dispicere aliquod thema, quod non sit sæpius excussum, & se commendet utilitate aliqua. Visum tandem fuit acquiescere in aliquo medico-chirurgico, quod mihi videtur non adeo quotidianum, mihi autem bis videndum obtigit eo tempore, quo praeceptoris fidelissimo & fautori meo colendissimo Exc. D. D. HENRICO BASSIO, Med. Prof. P. operam dedi & ab eius institutione & exemplo fructum percepi. Est illud erysipelas pustulosum, quod semel in viro LXXX. genario vidi, & iterum in viro L. annorum; quodque in priori

A 2 spha-

sphacelationis initia iam prodebat; in altero autem prope imminentem denunciabat. Illos itaque casus, ut tunc in memoriæ subsidium annotavi, præmittendos existimaui: quibus subiungo affectus illius considerationem medico-pathologicam, & quæ ad curationem rationalem pertinent subiicio. Rogo beneuolum lectorem, velit primos conatus meos venia dignari, & omnia in optimam partem interpretari.

C A S U S I.



IR LXXX. annorum, temperamenti cholericofanguinei, in quo se actionum naturalium vigor appetitu bono & digestionē commoda somnoque sufficiente prodebat; etiam animales actiones satis facile obibat, & quamquam cum aliquibus scorbuticæ deprauationis indiciis, cetera, ut illa ætas potest, vegetus ac sanus videbatur. Hic aliquando, nulla manifesta causa prægressa, in dorso pedis sinistri persentiebat æstuantem & pungentem dolorem. Rubebat ille locus superficialiter, ut solet in erysipelate fieri. Progrediebatur dolor & rubor ad tibiā, irrequietus erat & æstuabat ægrotus, somnus auferebatur, appetitus labebatur, atque sensim emicabant per tumentis loci superficiem pustulæ exiguæ, quæ non longo tempore interiecto confluebant in magnas vesicas sero acri flauescente, alicubi etiam instar loturæ carnis rubente, repletas; quin aliquæ fusco nigricante humore turgebant. Quam mali indicii essent huiusmodi postulæ, non poterat obscurum esse: quare non iam amplius ambiguo sphacelationis initio obuiam ire Exc. præceptor existimabat, & curam sic adornabat. Interne
sumen-

sumenda ordinabat bezoardica, cum pulueribus nitrosis & cinnabari iunctis. Exterius crebro fouendam partem iubebat linteis ex decocto calido expressis, quod ex cerussa, lithargyrio, lap. calamin. bolo albo cum aquis solani, plantaginis, fol. quercus, calcis viuæ & aceto vini generoso paratum fuerat. Cui in fine admiscebatur Sp. vini camphoratus & myrrhæ modicum.

Quum hæc per biduum adhibita essent, manifestum erat dissipatum iam esse tumorem omnem cum rubore & æstu. Redibat ægro somnus & appetitus, omniaque naturali pristino statui reddebantur paria. Supererat vnicum, vt illa, quæ vere mortua & sphacelata suberant, consuetis medicamentis ad suppurationem deducerentur: quod feliciter successit, vt post tres septimanas transactas æger omnino sanatus esset.

CASUS II.

Vir robustus quinquagenarius, temperamenti sanguineo-cholerici, cibus salitis & fumo induratis multum delectatus, vitæ sedentariæ deditus & humoribus abundans, horrore corripiebatur, quem æstuosus calor excipiebat, cum anxietate irrequieta & vigiliis. Sequenti die dextrum brachium graue & doloribus vexatum querebatur. Dolores magno & celeri augmento crescebant, tumor ab axilla ad digitos inualefcebat, sensus æstuantis pungentisque doloris in momenta singula intendebatur. Animaduvertebatur mox totum brachium pustulis obsideri, quæ serum flauescens includebant. Eadem mox confluebant, vt magnæ vesicæ eminerent. Tumor miris progressibus augefcebat, vt vel triplo crassius brachium esset, quam antea sanum fuerat. Totus æstuabat & anhelabat

ægrotus, appetitus prostratus erat, somnus omnino ablatus; pulsus celer & plenus notabatur.

Ita constituto homini, ante omnia ordinabatur, quæ conspicuam plethoram imminueret, larga venæsectio in pede instituenda. Hac administrata offerebatur potio laxatiua ex manna, rhabarbaro & cremore tartari. Mouebat hæc deiectiones quinque vel sex cum euphoria. Iam ad æstum sanguinis contemperandum & diapnoen liberiorrem reddendam, offerebatur pulvis bezoardicus cum cinna-
bari & nitro remixtus, iustis dosibus crebro exhibendus. Iam quoque externa adhibebantur, quæ imminentem sphacelum arcerent; scilicet forus idem, quem in præcedenti casu indicauimus: cuius vsu per duos dies continuato tantum efficiebatur, ut tumore omnino discusso cetera satis celeriter ad naturalem ordinem reuocarentur.

Consideratio Medica.

§. I. Quod vocabulum erysipelas Græcum sit, & rubedinem aliquam in proximo, id est in superficie hærentem denotet, optimi Scriptores & linguarum periti vno ore confirmant. Nihil itaque moramur GVIDONIS de CAVLIACO, melioris vtique chirurgi, quam grammatici, originationem, quam tamen barbaro æuo plures approbauerunt, quod dictum sit, quasi hæresipila, quia adhæret pilis & cuti.

§. II. Græcum nomen etiam purissimi Scriptores Latini ciuitate Romana donauerunt. Legitur enim apud CORN. CELSVUM & PLINIVM. Aliqui plurali numero ponunt erysipelæ: quod sine dubio ab errore scribarum & typographorum veterum exortum est, qui apud CELSVUM *procuratio erysipelatum*, scripserant *erysipelarum*. Ignem sacrum interpretatus est PLINIVS, alii ignem absolute vocarunt.

carunt. Recentiores ignem S. Antonii appellant. Germani, *die Rose, der Rothlauf.*

§. III. Est autem erysipelas, in genere dictum, tumor quidam superficialis, cum ardore vehementi late se diffundens, ex rubro flauescens, splendens, digito pressus euanesens, sed mox, ablato digito, rediens, non pulsans, sed magis obscure tensiuam aut pungitiuam sensationem afferens. In quo maxime differt a phlegmone, seu inflammatione, quæ partem, quam corripuit, in insignem tumorem eleuat, hinc sensum magis tensiuum, doloremque pulsantem adfert & grauatiuum, qui pro eo, ac solutio continui maior imminet, intensior reddi solet. Si inflammatione vera correptum locum tangas, digito is non cedit, sed renititur, neque rubedo a loco presso dispareret, sed constanter permanet. Vbi vero haud dissimulandum est, quod aliquando aliqua, quæ sunt inflammationi propria, cum erysipelate coniuncta videantur; scilicet, si minus exquisitum hoc fuerit.

§. IV. Dantur enim erysipelatum variæ differentiæ. Vnum quod exquisitum est, & cutim non excedit, sed eius superficiem ita occupat, vt in parte eius cum epidermide commissa subsistat. Alterum, quod profundius ad partes cuti substratas se demittit, tumore magis conspicuo, & rubedine a digito premente non dissipanda: cui nomen est erysipelatis phlegmonodis. Aliud genus tumorem & habet rubedinem: sed tumor non resistit prementi digito, vt foueam post se relinquat. Hoc erysipelas cedematosum vocatur, & raro ab initio tale obuenit, sed in progressu fieri tale solet, quando febrilis materia a partibus internis ad artus deposita est, quod apostasin veteres dixerunt. Aliquando etiam partibus antea pridem cedematosi accidit: quod

quod in hydropicis non rarum est conspiceretur. Memorant denique etiam erysipelas scirrhusum, ab euentu, quando non rite discussum scirrhos post se relinquit.

§. V. Has differentias antiqui medici, a GALENO & Arabibus edocti, tribuebant bili commotæ magis vel minus sinceræ. Ita erysipelas maxime exquisitum deducebant a bile sinceriori cum sanguine tenuissimo influente. Quod si vero qualitas bilis vitata sit, & sic cum crassiore sanguine influat, docebant fieri phlegmonodes; aut si multum phlegmatici admixtum fuerit, œdematosum: si denique crassior & terrestribus partibus vitata sit bilis, enasci scirrhusum statuebant. Quæ quidem dogmata hodie parum attenduntur; quum de illis differentiis bilis, & quod omnino bilis, ad erysipelas faciat, parum conuicti simus, totoque die videamus ictericos multa bile perfusos, quos tamen erysipelata parum vexant.

§. VI. Arque has inter species, ab antiquitate notatas, occurrere subinde aliquas, vehementius motas, ut vesiculæ excitentur, a multis iam annotatum est. Horum aliquod genus, quod extrema frequentissime obsidet, pustulosi nomen accepit, estque illud, de quo titulus nostræ dissertationi præfixus, potissimum intelligendus est: aliud genus trunci ambitum quasi circulus aut zona cingit, unde zonæ aut zosteris nomen accepit: aliud denique herpetis exedentis nomine longe lateque & in profundum etiam serpit, unde formicam veteres dixerunt. CORNELIUS CELSVS his omnibus videtur cancri nomen, in latiori acceptione optauisse lib. V. cap. 26. Est autem vera & conspicua differentia inter erysipelas, quod ex quacunque causa exulceratur, facta suppuratione in partibus cuti suppositis, ex quibus materia, quæ abscessit, lancetta intrusa sæpius

plus euocanda est; & inter erysipelas pustulosum, quod primis statim diebus, vt casus præmissi docent, pustulas in cute efformat, quæ initio exiguæ breui tempore confluant, & conspicuas magnas vesicas, ichoroso sero turgentes, format.

§. VII. Quum omne erysipelas ab antiquo iam notatum fuerit haud leue & adspernandum esse, habeatque coniunctos febriles motus conspicuos, & in multis æmuletur indolem pestilentialis febris, vt Illust. FRID. HOFFMAN-
NVS *medic. Systemat. tom. IV. p. 303.* pluribus ostendit: ita maxime fatale illud accidit corporibus senilibus & magna humorum, eorumque impurorum copia suffarctis. Præcipue autem senibus periculum portendit, quod in capite sæpius recurrit, & consuetudinale factum est, vt Hippocrates iam notauit. Nam si aliquam ex communi aëris dispositione labem conceperunt, natura ad hæc loca pridem consueta malignitatem susceptam deponit. Iam vero si consuetis topicis repellentibus tale erysipelas tractetur, ad interiores partes retropellitur, & phrenitidem aut soporosos affectus periculosos causatur: aut, si refrigerantia & vinctuosa, vel coagulantia fuerint adhibita, a quibus humoribus stasis, aut coagulum inducitur, labitur malum præceps in profundam corruptionem partium maxime lymphaticarum & cellularum pinguedinosarum. Vnde vlcera profunda & curationis molestæ enascuntur.

VIII. Superest, vt ad pathologicam considerationem erysipelatis in genere, atque seorsim pustulosi, propius accedamus: quoniam hac absoluta facilius erit indicationes curatorias eruere. Est autem memorabile, quod erysipelas nunquam sine febrilibus motibus solet exoriri: aut, si forte prægressa est aliqua causa externa, vt nimius calor

a sole, balneo, fornace nimium calente, frictione vehementiori, quibus humores ex imis partibus ad superficiem euocati sunt, illa febrilis manifesta totius corporis alteratio per horrorem sensibilem & subsequenter æstum accedat, & tanquam formam morbo adiiciat, eumque determinet. Quare in hoc morbo non tam ad materiam in certam partem influentem & decumbentem, quam ad febrem, quæ vniuersum corpus afficit, eiusque statum alterat, respiciendum esse existimo. Docet hoc medicus nostri æui fama & meritis celeberrimus Illustr. FRID. HOFFMANNVS præceptor & patronus meus semper colendissimus, in *Medic. Systemat. tom. IV. cap. 13.* Vbi de erysipellate acturus indolem eius febrilem, ad exanthematicas proxime accedentem, multumque cum pestilentiali aliisque malignis commune habentem, grauiter exponit.

§.IX. Subiectum erysipelatis, quod partibus externis inhæret, (nam de eo, quod pleuræ, pulmonibus, meningibus accidit, nobis nunc non est sermo) est cutis, vbi cum cuticula committitur. Quamquam in grauiori malo etiam inferior eius pars cum panniculo adiposo cohærens, afficitur, quod ex eo cognoscitur, quia abscessu & exulceratione eueniente multum puris & ichoris ex profundo emittitur, & sinuosa vlcera enascuntur. De cute autem anatome docet, quod sit textum admirabile ex multis vasculis sanguineis, tam arteriosis, quam venosis, multis intercurrentibus fibris nerueis, compositum: quod forte ante RVYSCHIVM & ab eo perfecte excultam artem vasâ arteriosâ implendi iniecto liquore colorato & ceraceo, nemo satis clare ostendit. Ab eo autem loco, quo arteriæ in venas reflectuntur, pergunt ductuli quidam quauis arteriola angustiores, qui ordinarie nihil admittunt colorati, sed

sed tantum serosum lymphaticum; quod vel in substantiam partium, ad nutritionem earum, vltius prouehunt, tandemque sub lymphæ forma reuehunt; vel per vltimos poros, in superficie vndiquaque hiantes, exhalant, aut sudoris forma confertim effundunt.

§. X. Quando autem circulus humorum naturaliter constitutus est, illeque per omnes partes libere æqualiter fertur, corporis nostri superficies nec rubet, nec æstuat; sed moderato calore & colore ex albo & rubro moderate temperato gaudet. Quærendum igitur est, vnde illa æstuatio, rubedo & vasorum inflatio, quam in erysipellate notamus, ortum ducat? & vnde fiat, vt non vniuerso corpori æque accidat, sed in certa tantum parte subsistat? Nam qui motu laborioso incalescunt & rubent, per totum corpus æqualiter id patiuntur: & qui febrili calore exagitantur, pariter per vniuersum habitum rubent & calent, atque pro eo, ac calor & motus imminuuntur & recedunt, rubedo etiam sensim dispareret, atque nulla pars cutis suffusa humoribus & quasi splendens remanet, altera ad naturalem habitum reuerfa.

§. XI. Oportet itaque agnoscere inæqualem & suffaminatum in parte affecta humorum decursum; ita vt a quacunque causa effluxus imminutus & impeditus sit, affluxu interim manente immo etiam magis aucto. Iam quum reditus seu effluxus humorum a quacunque parte fiat, per venas & lymphæ vias: in alterutro horum vasorum genere causa erysipelatis quærenda erit. Venas autem non sustinere hic causam, cognoscimus ex eo, quod experientia docuit, quando venoso sanguini refluxus negatus est oriri tumorem rubrum, durum, qui, nisi cito emendetur aut auferatur causa, liberum effluxum prohibens,

hibens, in gangrænam & sphacelum cito labitur. Docent hoc varii casus, ut fracturæ cum comminutione multa ossium, præsertim in ipsa articulatione, arctiores ligaturæ parti circumiectæ & diutius relictæ. Quare venæ tunc tantum in societatem culpæ venient, quando erysipelas phlegmonodes enatum est.

§. XII. Super est igitur, ut dispiciamus de lymphæ viis, & motu eius refluxo imminuto & impedito. Lympham nutritiam ad omne punctum corporis animalis afferri debere physiologi docent. Ultra illum locum, qui sanguinis rubicundos globulos secundum naturam admittere posset, in tenuissimis ductulis, quos hodierni auctores arterias lymphaticas appellant, prouehi fluidissimam massæ humorum partem §. IX. diximus: eosdem tandem ductus verosimile est reuehere superfluum & nutritioni nunc non necessarium ad cellulas pinguedinosas, & per illas lente promoueri, partimque in pinguedinem ibi densari perquam verosimile videtur.

§. XIII. Si itaque lymphæ in arteriis lymphaticis primo versatur & deinde ad cellulas illas influit, quibus in artubus pro venis suis utitur: quæstio omnis illuc recidit, magisne verosimile sit in erysipelatis generatione illas arterias culpam sustinere, an maiori iure accusari debeant illæ viæ, quibus ad humorum massam reuehenda est. Respondendum ad hanc quæstionem cum distinctione videtur. Nam in leui & superficiario erysipelate, quod sine tumore conspicuo manet, noxa non videtur arterias lymphaticas excedere: sed in eiusmodi Casibus, quales sunt duo propositi, ubi celeri augmento increscens tumor adfuit, omnino etiam inflatas & suffarctas cellulas pinguedinosas fuisse, necessarium est.

§. XIV.

§. XIV. Quicquid hic accidat, & siue minor, siue maior sit erysipelatis diffusio, illud tamen utrobique manifestum est, & negari nullo modo potest, quod rubedo conspicua partem obtegit, & simul insolitus & præternaturalis feruor in illa obseruetur. Cuius ætiologiam si quaerimus, vix aliam inuenire licebit, præter illam, quod sanguis, rubedinis & coloris omnis causa & origo, ultra fines consuetos penetrauerit. Nam si a quacunque causa arteriæ extremæ magis expanduntur, fit ut portiones sanguinis rubicundæ per ductus ampliatos subeant, quo facto rubedo per vascula transparentia pellucet & in sensus incurrit: mox etiam calor illis locis insuetus percipiatur necesse est. Atque hanc dilatationem continuo auget subsequentiū a tergo humorum pressio: Vnde sensus pungitius & tensius percipitur, magis vel minus pro eo, ac gradus ipsius congestionis differt.

§. XV. Istiusmodi autem euentus, ut sanguinis portio in aliquas arteriosas extremitates præ aliis impressionem faciat, eas dilatat, atque profundius solito penetret, supponit omnino causas antecedentes, quæ ad hunc effectum sufficienter valent. Pertinent ad hunc censum 1) ipsius lymphatici feri, quod in illas extremitates influere debet, spissescencia & coagulatio. Vnde in progressu, ubi vascula conica semper angustiora fiunt, subsistunt, sicque efficiunt, ut a tergo subsequentiā aceruentur, stagnent, vasa necessario dilatent. 2) Ipsa vasculorum laxitas in subiectis spongiosis & humorum copia suffusis. 3) Prægressa fluidorum & tenuissimorum humorum dissipatio per euacuationes nimias, ut sudorem, vrinas, diarrhœas. 4) Adfuerudo ad sanguineas commotiones hæmorrhagicas, aut euacuationes tales, siue artificiales siue spontaneas,

nunc aliquanto tempore omiffas, de quibus vid. D. D. ALBERTI, præceptoris, patroni & promotoris mei omni obferuantia colendi *Introduc. in vniuers. medicin. p. 262. §. 8.* In talibus etiam non minimum valet 5) particularis humorum commotio, vt si ad solem vel ignem valde incaldefcant. Tandem non parum huc tribuit, si in fubiecto ita difpofito accedat aliqua caufa humores vniuerfaliter commouens, vt iracundia, ebrietas, expanfiuorum calidorum abufus; quo fit, vt impulfi humores in illa parte, vbi vna ex caufis prædictis adest, progreffiui motus impedimentum fentientes fubfiftant, vafa inflent, expandant, ficque fanguini in arterias lymphaticas ingreffum præparent.

§. XVI. In grauiori & latius diffufo eryfipelate præuia lymphæ dyfcrafia ex eo potiffimum cognofcitur, quod ante, quam illud plene ad fuperficiem emergat, prius circa inguina aut axillas partis affectæ dolor, cum nonnunquam confpicuo glandularum tumore percipiatur: quam notabilem circumftantiam præ ceteris commendat HIER. FABR. ab AQUAPENDENTE *in pentateuch Chirur g p. m. 84.* Iam vero glandulæ illæ lympham a partibus reducem transmittunt: quæ fi tenax vifcida aut coagulata eft, in circumuolutis sæpe & anfractuofis ductibus glandularum conglobatarum obhærefcit, atque fubfequentis progreffum impedit: hinc fit, vt omnis tractus, a quo reflua lymphæ traicere illam glandulam debet, exonerari ab illa nequeat. Et quamquam tumor glandulæ inquinalis non femper neceffario affert, vt videmus in illis, qui infectionis venereæ initia fufceperunt, quibus mature dolor & aliqualis glandulæ inflatio accedit, nullo tumore alio fenfibili fuccedente: hic tamen, quia humores
valde

valde commoti sunt & turgent, & quo magis turgent, tumor certo & celeri augmento accedit.

§. XVII. Erysipelas raro sine febre plus vel minus conspicua decurrit: in aliquibus autem illa magna & grauis est, cum vigiliis, anxietate, inquietudine, deliriis, corporis iectigatione, vomitu & sensuum perturbatione. Idem si incongrua tractatione retrocedat vel ad interiora pellatur, grauissima & periculi plena mala, inflammationes internarum partium, asthmata, spasticas strictureas sæpe lethales producit. Ex quo intelligas neutiquam simplicem lymphæ stagnationem in omni erysipelate adesse, sed sæpissime ad censum venire causticam, acrem & malignam aliquam dyscrasiam eius vndecunque susceptam & exortam: siue illa ab acri & corrupta bile in nobis sensim generata, siue extra nos vagans in communi aëre miasma susceptum, putredinosam dispositionem attulerit, & febrem in nobis succenderit.

§. XVIII. Supereft, vt de pustulis, quæ in utroque casu erysipelati celeriter accesserunt, seorsim agamus. Manifesta est earum differentia. Nam viro octogenario enascebantur tales, quæ sero primum flauesciente, mox rubente, tandem ad nigredinem vergente repletæ erant, augescebant, confluebant: In Sexagenario pellucidæ, sero flauesciente turgentes & confluentes emicabant. In illo vero corruptio emortualis accedebat, vt apparebat, quum separatio fieret corrupti ab integro: in hoc gangræna iam præsens minabatur sphacelum, qui forte subsecuturus erat, si congruum auxilium diutius dilatum fuisset: & robustior minusque senilis constitutio ad resistendum diutius non valuisset.

§. XIX. Quomodo vesiculæ enascantur, fere ad sensum.

sum & oculum demonstrare possunt anatomici, quando partes artificiosa iniectione replent. Nam quum illæ ultra arteriosos fines haud penetrare facile soleant, fit in partibus teneriori cuticula obsessis e. g. renibus, si paulo vehementius vrgeatur illa repletio, ut liquor iniectus cutem exteriorem dissolvat & vesiculas iniecto liquore turgentes formet. Si quis dubitet, an applicabilis sit experimenti in renibus capti successus ad cutem, experiri idem poterit, si infantile corpus cera rite implendum acceperit, idque, ut fieri antea debet, aqua tepida probe præparaverit. Vbi enim felicissime ad votum succedet impletio arteriarum ad cutim summam excurrentium, cuticulam abscessisse, & materiæ iniectæ transitum hinc inde permisisse experietur. Ex quo illud generale theorema enascitur, quod cuticula abscedat & pustulas formet, ubi nullo aut non proportionato refluxu affluxus continuat & semper augefcit. De pustulis magnis in natibus & pedibus enatis hincque facta insanabili exulceratione Casus notabilis legitur in *Act. Physico-med. A. N. C. Vol. 1.* ibidemque causa post mortem inuenta describitur. Scilicet concretum crassum polyposum in illo ipso loco firmiter hærens, ubi vena cavam iliacos ramos finditur, adeoque influere debebat sanguis a natibus refluxurus.

§. XX. Progredior tandem ad prognosin erysipclatis, parum certam & perpetuam, nisi distinguamus species. Simplex multoties facile superari & vix medicina indigere quotidiana loquitur experientia. Vtique si corpus sit iuvenile, non impurum, scorbuticum, aut alia labe infectum, & in regimine nihil peccetur. Habituale & consuetudinale, præsertim caput sæpe obsidens, cum tempore periculi plus adferre omnes notant medici, qui & omnes appro-

pro-

probant Hippocraticum præfagium: quod erysipelas introuerti vbique malum, in angina autem vix non semper funestum sit. Pustulosum celeriter natum & augescens magnam & vehementem causam indicat: periculumque corruptionis sphacelosæ haud tardo pede subsequuturæ ostendit: adeoque citum & proportionatum desiderat auxilium.

§. XXI. Non agemus hic de omni erysipelate curando: quod, quia multas habet diuersitates hic morbus, nimis foret prolixum. Generale axioma sit, quod omnes circumspecti practici inculcant, non minimam curam esse debere, ne ad interiora repellatur: motui febrili temperando, causæque vel corrigendæ vel auferendæ ante omnia studendum esse. Hæc enim methodus erysipelati sincero & simplici debetur, eademque sufficit. Si vero illud mitem suam indolem mutat, & celeriter ad gangrænam, sphacelumque festinat: non iam vtiq; cunctandum est, vt corpori, aut saltem affecto membro vita & integritas seruetur. Nisi enim cito succurratur stagnans lymphæ perrumpit vasa & cellulas, per interstitia diffluit, intestina agitatione in motum putredinosum abit.

§. XXII. Quid ad salutem propositis ægrotantibus maxime profuerit, morbi vtriusque docet historia. Bezoardica & diapnoica cum temperantibus tali casu necessaria esse, apud nullos dubitatur: quare verbum de illis non addo. Venæsectionem in sexagenario plethorico, purgationem lenem vtrique ægroto salutariter fuisse adhibitam videmus. Magnus medicinæ practicæ auctor vtrumque remedii genus in erysipelate condemnat his verbis: *Purgatio est summe vitanda; venæsectio est periculossima: Est enim morbus cutaneus, adeoque interne diapho-*

reticis cura est inchoanda & absoluenda. Enim vero salua sunt omnia, si referatur tam præscriptum, quam prohibitum ad erysipelas leue ordinarium, non ad hoc acutissimum & gangrænosum. Quare potius audiendus est SYDENHAMVS, qui in erysipelate capitis pustuloso præcipit venam secare. Hoc facto lene catharticum dare & subiungere paregoricum. Quin adeo non metuit sanguinis missionem, vt quandoque secundam & tertiam administrare præcipiat. Idem etiam præsidium laudat & commendat Celeberr. HOFFMANNVS *medic. Systemat. tom. IV. p. 312.* vt & BOERHAAVE *aphor. § 384.*

§. XXIII. Sit autem V. S. satis copiosa, vt abundantiam turgentium humorum sensibilibiter minuat, atque in vasis aliquod spaciū faciat, quo liberius cetera circulentur. Fiat etiam in parte illa, quæ patienti est opposita; vt si brachium vel caput patiantur, administretur in pede. Si pes in brachio: quo certius humores auocentur & deriuentur. Denique vulnus satis magnum fiat, vt celeri saltu emissus sanguis tanto magis sensibilem faciat diuersionem. Notant auctores, sanguinem sic emissum, quando refrigeratur, pleuriticorum similem esse, & formare albam, duram, crassam, rigidam pellē, fere instar corii.

§. XXIV. Nunc de altero remedii genere, purgatione est dispiciendum. Quam illa sit erysipelaceæ febri, præsertim ingrauescenti, necessaria & proficua, copiose disputat, IO. FREIND *comment. VII. in Hippocrat. de febrib. p. m. 50.* Sed quoniam non auctoritate, sed rationibus & experientia niti oportet: primum de rationibus dispiciemus. Quæritur hic de inflammatione magna & gangrænosa, in quam erysipelas degenerauit. Humores turgentes & commoti feruntur in vnam partem, vbi exitum

tum non inueniunt, adeoque stagnant, vasa perrumpunt, interstitiis partium solutarum interfluunt, ibique subsistunt. Necessarium est eos inde reuellere, quod venæ sectione quæsitum est. Iam super est, ut aliorum deriuando humores affluxum & effluxum in male affecta parte porro minuamus & tollamus. Quid commodius est purgatione, quæ secretionem & excretionem in tunica intestinali aucta ad aluum reuocat & deponit superfluum serum, sicque efficit, ut & nihil amplius in parte affecta effluat, & effusum resorberi in vasa possit & alio loco minori periculo euacuari. Est hæc antiqua & Hippocratica praxis, in qua manserunt posterius, qui in magna inflammatione & a magna causa ortum habente, ut in pleuritide a contusione, in lapsis, post sanguinis detractionem illico purgabant.

§. XXV. Atque similem rationem curandi magnam inflammationem, iamque ad sphacelum ruituram præscribit Clar. BOERHAAVE *de cognosc. & cur. morb. apb. 384.* Neque tamen promiscue omnem purgationem hic commendatam velim, sed concitatam per talia, quæ absque magna in humoribus producta noua commotione villos intestinales ad excretionem copiosiores excitulet: qualia sunt, quæ in casu describuntur, manna cum rhabarbaro & cremore tartari, tamarindi cum sale polychresto & rhabarbaro: agaricus cum tamarindis & rob. sambuci. Ex talibus concinnata dosis satis efficax paucis a V. S. horis ingeratur. Quamquam inuenio veteres nec fortioribus hic abstinuisse, ut videre licet apud SCRIBONIVM LARGVM §. 101. ubi hieram diacolocynthidos hoc casu commendat: quod forte minus reformidandum videbitur, quam Hippocratis consilium, qui in inflammatione inter-

na, cui nomen pleuritidis inferæ dederunt veteres, vsque adeo ad helleborum iubet progredi.

§. XXVI. Tandem externi remedii rationes expendendæ sunt. Adhibitum fuit acetum vini decoquendum cum cerussa & lithargyrio. Quo ipso accipitur acetum plumbi seu lithargyrii, gustu dulce cum adstriptione, quoniam saccharum saturni, potens refrigeratorium, vt veteres loquebantur in se continet. Hoc diluitur aqua calcis viuæ, solani, plantaginis, fol. quercus, additoque spiritu vini camphorato & pauxillo myrrhæ calefactum adhibetur linteis imbuendis, quæ expressa calide applicantur loco affecto, & identidem renouantur. Agit istiusmodi liquor potissimum adstringendo atque sic repellendo humores, qui in angustis conicis vasculis progredi non possunt, in ampliores ductus, partim venæsectione, partim euacuatione per purgationem aliquantum inanitos. Vnde fit, vt rubedo mox conspicue dispareat, tumor dissipetur, omniaque ad naturalem statum reuertantur: nisi iam sint emortuæ quædam portiones; quarum separationi a viuo, & deinde vlceris consolidationi studendum est, adhibitis istis remediis, quæ omni chirurgorum scholæ notissima sunt, & hoc loco describere nihil attinet. Quæ acetum huic adduntur, partim anodynâ virtutem habent, vt aqua solani, partim refrigerantem cum adstrictoria, vt illa plantaginis & foliorum quercus teneriorum: sed aqua calcis viuæ ita diluta adiuuat discussionem, quo etiam facit spiritus camphoratus cum myrrha. Atque hæc nunc de erysipelate pustuloso & in gangrænam abeunte dicta sufficiant.

NOBILISSIMO
DOMINO CANDIDATO

S. D.

FRIDERICUS HOFFMANNUS,

S. R. Maj. Porussicæ Consiliarius intimus & Archiater,
Fridericianæ & Ordinis Medici Senior.

PLacet cuique singulare vitæ genus, quod natura ita suadente amplectitur, ut victum sibi & amictum comparet. Sunt enim alii, qui artificum subsellia occupant, vel militum castra sequuntur, alii, qui litterarum studiis se consecrant, alii demum, qui mercaturam facientes per mare, victum quærunt, per saxa, per ignes; sicut quam plurimi solent judæorum. Hi enim, ubicunque fere degunt, ibi aut emunt, aut vendunt, nunquam delessati. Quæcum ita sint, eo sane magis mirandum & laudandum est, quod TU NOBILISSIME CANDIDATE ex hebræorum gente ortus, plane contra ritum huic hominum nationi solemnem, negotiis mercatorum relictis, in Medicina potius, tanquam optima in mercatura tam egregie hætenus per aliquot annos versatus sis, ut TIBI inde merces haud spernendas comparaveris. Comprobasti hoc ipsum in duobus examini-bus, coram facultate nostra TECUM institutis, in quorum utroque egregios TUOS in arte medica profectus sufficienter ostendisti, ob quos TIBI etiam petenti ordo noster summos in arte honores conferre non dubitavit. Gratulor TIBI itaque optabile hoc lucrum, diligentia indefessa partum, sincere optans, ut scientia TUA multum aliquando ægro-tantibus prod. sse valeat! Dabam Halæ Magdeburg. XIV. Septemb. M DCC XL.

DOCTISSIMO ET PRÆSTANTISSIMO
DOMINO CANDIDATO

Pacem & Felicitatem precatur

PROMOTOR

MICHAEL ALBERTI,

Sacr. | Reg. Maj. Poruss. Aulicus & Consistor. Magdeb. Consiliar.
Medic. & Philos. Natur. Prof. Publ. Ordin. &c.
h. t. Facult. Med. Decanus.

AD gloriam mundi pertinet etiam Medicorum quorundam portentosa jactatio de ineffabili peritia & experientia, quæ vulgo etiam Scutum & asylum Empiricorum & Circulatorum esse solet: inde merita sua ex tot titulis & vitulis extollere varii sciunt, qui nihil rectum esse putant, nisi quod ipsorum opinionibus, dictis & factis congruit; ideo tales arguti Censores modo notiones nominales, modo reales tractationes, tam crasse, quam clandestine, sericum instar, arrodere & carpere audent, prætereaque loca meritorum suorum, propriam interdum judicii sui imbecillitatem manifestant. Ob id antiquitus Plinianæ obtrectiones contra Medicos innotuere, quod præter Medicos & Grammaticos nil stultius reperiatur. Illi contra laudem merentur, qui sine gloriosa bonorum operum, atque eximiorum meritorum declamatione effectu magis sub prudenti animi moderatione capacitatem & dexteritatem suam probare possunt. In hoc ornamento veteres medici suis observationibus sua etiam ingenua peritia inclaruerunt. Inter alios casus priscis Medi-

Medicis ab Hippocrate in sequaces ætates memorabilis affectus Erysipelatis semper extitit, cujus non modo varias denominationes, reales magis, quam grammaticas deprædixerunt, sed & diversas illius species quoad ætates, loca, humores, anni tempora &c. discrepantes, annotarunt, præterea utiles prognoses, observationes & cautelas practicas suppeditarunt, quæ hodiernis ævis satis largam imitationem & applicationem fauerantur. Multa utique quoad hujus fontici affectus indolem indagandam monenda essent; ast dum inter alias qualitates atque species TIBI DOCTISSIMO DOMINO CANDIDATO placuit seorsim Specimine Inaugurali Erysipelatis miliaris, quod alias populare, vagum, scorbuticum, serpiginosum &c. vocari solet, speciem & indolem quadantenus adumbrare; ita haud vulgare hoc fuit institutum; siquidem in foro medico non tam critica & verbales, quam perita, reales & sobriis observationibus roborata meditationes saluti hominum consulunt. Plus dupla vice triennium academicum sub vario & assiduo studiorum, negotiorum practicorum & laborum conatu laude digno absolvisi, ideoque sub variorum Clarissimorum virorum manuductione & institutione bonos collegisti profectus, quales in consuetis examinibus ex parte Ordini nostro probasti: quod reliquum est affabilis TUA modestia atque humilis verecundia reliquas TUAS qualitates non parum exornat & commendat. Annuat itaque ille Angelus fæderis, qui Patres TUOS protegente gratiæ nube servavit & ab omni periculo liberavit, TUIS bonis ceptis, effundat in TE Lumen spiritualis & temporalis veritatis, salvet animam TUAM, ut de æternis & mundanis prosperitatibus, ut & felicibus progressibus gaudere queat, ita ille, qui dixit Ego Jehova sum medicus TUUS & TIBI, & actionibus & qui TUO consilio opus habebunt Salvator & Conservator sit.
Hæc

*Hæc sincero animo TIBI apprecor, voveo, & ut valeas,
opto. Dabam Halæ Magdeburgicæ d. XVI. Calend. Octobr.
A. R. S. cl. lxxx XL.*

NOBILISSIMO ATQVE DOCTISSIMO
DOMINO CANDIDATO

S. P. D.

HENRICVS BASS,

V. M. D. & Prof. P.

DEbetur hoc virtuti præmium, vt præcipue eorum meritis honores delatos gratulemur, qui in medicorum castris omni industria militantes se non solum Commilitones sed duces præbuerunt; quo igitur breviori via ad veritatem incedam de **TE NOBILISSIMO DOMINO CANDIDATO** scribere non pertimesco, quod per illam temporis periodum, qua in alma hac musarum sede commoratus es, **TE** cum laude eum præstiteris, qui sibi cognitionem medicam haud vulgarem comparavit, siquidem me teste, præter alios ad disciplinam medicam pertinentes fructus, quos vigili cura collégisti, de chirurgia & anatomicis tantam adquisivisti notitiam, vt de iis non solum docte philosophari, sed etiam me præsentem operationes quasdam chirurgicas inspicere eisque felicem manum ad-mouere didiceris. Quid mirum inde, quod Te ideo noster ordo summis in arte honoribus, propediem TIBI tribuendis, dignum iudicauerit. Fruere iisdem in patriæ commodum, ac ægrotantium salutem, fruere iisdem sub perpetuo æterni Numinis præsidio & auxilio, denique dexteritatem agendi, solidam & felicem morbis medendi methodum ille TIBI tribuat, qui summus medicorum princeps solus vulnerat & sanat. Vale mihiqve faue. Dabam Halæ Magdeburgicæ die 5. Sept. 1740.

